

22. fundur Samstarfsnefndar um sameiningu sveitarfélaganna Djúpavogshrepps, Fljótsdalshéraðs, Seyðisfjarðarkaupstaðar og Borgarfjarðarhrepps, haldinn þriðjudaginn 1. október 2019 í Ráðhúsinu Egilsstöðum.

Fundurinn hófst kl. 12:00.

Á fundinn eru mættir Björn Ingimarsson, Hannes Karl Hilmarsson, Björg Björnsdóttir, Jón Þórðarson, Jakob Sigurðsson, Helgi Hlynur Ásgrímsson, Gauti Jóhannesson, Bergþóra Birgisdóttir, Þorbjörg Sandholt, Elvar Kristjánsson, Vilhjálmur Jónsson, Hildur Þórisdóttir og Aðalheiður Borgþórsdóttir.

Róbert Ragnarsson, sem ritaði fundargerð, var í fjarfundabúnaði ásamt Kristjáni Hjálmarssyni ráðgjafa frá H:N markaðssamskiptum, sem sat fundinn undir dagskrárliðum 2 og 3.

Björn bauð fundarmenn velkomna og gengið var til dagskrár.

1. Fundargerð síðasta fundar.

Lögð fram fundargerð síðasta fundar.

Engar athugasemdir og telst fundargerðin samþykkt.

2. Nefndarlaun samstarfsnefndar.

Formaður ítrekaði beiðnir um að fulltrúar sveitarfélaganna skili nauðsynlegum upplýsingum um kostnað við nefndarsetu í samstarfsnefnd. Greitt verður fyrir alla setna fundi, þ.m.t. íbúafundi.

3. Kynningaráætlun

Kristján kynnti tillögu að kynningarmyndböndum. Annars vegar til að kynna íbúafundi í næstu viku og hins vegar lengra myndband með lykilskilaboðum verkefnisins. Myndbandið verður birt í heild sinni á svausturland.is en verður klippt niður í styttri skilaboð til birtingar á samfélagsmiðlum.

Fundarfólk lagði fram ábendingar og athugasemdir og var Róberti falið að safna þeim saman í og senda H:N fyrir hádegi þann 2. október.

Styttra myndbandið fer í dreifingu í vikunni.

Farið var yfir stöðu kynningarmála og nefndarfólk hvatt til þess að dreifa efni á vefsíðum sveitarfélaganna og samfélagsmiðlum.

Róbert upplýsti að dómsmálaráðuneytið mun birta auglýsingu um framlagningu kjörskráa vegna sameiningakosninganna í útvarpi og dagblöðum, laugardaginn 12. október nk., sbr. 8. gr. laga um kosningar til sveitarstjórna.

Minnti jafnframt á sveitarstjórnir skulu auglýsa hvar kjörskrá liggur frammi, en hana skal leggja fram almenningi til sýnis á skrifstofu sveitarstjórnar eða öðrum hentugum stað eigi síðar en tíu dögum fyrir kjördag.

Ákveðið að Róbert boði formenn kjörstjórna til fjarfundar til að fara yfir praktísk atriði, t.d. um birtingu niðurstaðna kosninga.

Ákveðið að H:N setji upp áætlun um upplýsinga- og kynningarmál eftir sameiningarkosningar. Sama hvernig kosningarnar fara.

4. Íbúafundir

Framhald frá síðasta fundi. Róbert kynnti tillögu að fyrirkomulagi íbúafunda sem fram fara í hverju sveitarfélagi vikuna 7.-10. október og drög að kynningu. Kynningarglærur verða tilbúnar í vikulok fyrir nefndarfólk að kynna sér.

Gert er ráð fyrir að eftir kynningu og matarhlé gefist íbúum tækifæri til að leggja fram spurningar og ábendingar. Það verði bæði hægt að gera rafrænt og munnlega á fundinum. Á þann hátt gefst þeim sem fylgjast með fundi gegnum streymi tækifæri til að koma spurningum á framfæri.

Einstaklingar úr samstarfsnefnd munu sitja í pallborði. Fyrst verður svarað helstu spurningum sem berast rafrænt og í kjölfarið boðið upp á spurningar úr sal.

Ákveðið að Róbert eigi fund með bæjar- og sveitarstjórum til að fara yfir praktísk atriði fyrir fundina.

Kynningarfundur fyrir ungt fólk fer fram í Menntaskólanum á Egilsstöðum miðvikudag 9. október og verða útbúnar yrðu sérstakar kynningarglærur með áherslum fyrir ungt fólk.

5. Kjördæmavika

Umræða um fund sem sveitarstjórnarfólk átti með þingmönnum kjördæmisins fyrir um morguninn. Lögð var áhersla á samgöngumál og framlög Jöfnunarsjóðs til sameiningarverkefnisins.

6. Næsti fundur samstarfsnefndar

Samstarfsnefnd hittist daglega í næstu viku í tengslum við íbúafundi, en ákveðið að næsti formlegi fundur fari fram að loknum kosningum 26. október. í framhaldi af fundi með þingmönnum þann 1. október.

Fleira ekki gert og fundið slitið kl. 13:35.